



Služba za imovinsko pravne poslove,
geodetske poslove i katastar

OPĆINSKO VIJEĆE ILIJAŠ

Odgovori na vijećnička pitanja i inicijative sa 45. sjednice Općinskog vijeća Ilijaš održane dana 29.09.2020.godine

ILIJAŠ, oktobar 2020. godine

Ul. 126. ilijaške brigade br. 6, 71380 Ilijaš
Tel. ++387 33 580620, 580680, 580681, 580683, 580688, 580689, 580638
fax. 580-685
e-mail: nizama.malisevic@ilijas.ba



certifikat: CRO20794Q

Pitanje:

"U kojoj fazi je rješavanje oštne krivine u naselju Mrakovo?"

Obrazloženje:

Već nekoliko godina gore navedeno pitanje je predmet opservacija organa Savjeta MZ Mrakovo, kao i nadležnih službi u organu uprave Općine Ilijaš. Po našim saznanjima projekat za navedeni predmet postoji, što nije smetnja za dalje postupanje. Molimo općinskog načelnika i nadležne službe da pripreme prijedlog rješenja do kraja 2020. godine."

Odgovor:

Vođenje postupka rješavanja imovinsko- pravnih odnosa kod Službe za imovinsko pravne poslove-geodetske poslove i katastar Općine Ilijaš, u predmetu izgradnje i proširenja "Oštne krivine" Mrakovo na lokalnom putu Ilijaš-Popovići, je prekinuto, a o čemu je Općinski načelnik putem Službe za imovinsko pravne poslove, geodetske poslove i katastar Općine Ilijaš donio Zaključak koji je dostavljen Savjetu MZ Mrakovo.

Rješavajući u predmetnom postupku utvrđeno je da bi trebalo sporazumno pribaviti dio određenih nekretnina ili za iste izvršiti eksproprijaciju. U postupku sporazumnog pribavljanja nekretnine, a prije podnošenja prijedloga za eksproprijaciju Služba za imovinsko pravne poslove, geodetske poslove i katastar se u skladu sa odredbom člana 24. tačka 5. Zakona o eksproprijaciji ("Službene novine Federacije Bosne i Hercegovine", br. 70/07, 36/10, 25/12, 34/16) obratila Službi za privredu, finansije i investicije Općine Ilijaš za zahtjevom za dostavljanje dokaza o obezbjeđenim finansijskim sredstvima u visini i približno potrebnoj za isplatu naknade za nekretnine koje su predložene za eksproprijaciju zemljišta preko kojeg prelazi trasa.

Od Službe za privredu i finansije Općine Ilijaš zaprimljena je obavijest broj 04/3-11-1940/20 NM iz koje je vidljivo da u Budžetu Općine Ilijaš za 2020. godinu nisu planirana sredstva za realizaciju navedenog projekta.

Kada u Budžetu Općine Ilijaš budu planirana i osigurana sredstva za realizaciju projekta postupak će se nastaviti, a sve do tad kod ove Službe nisu ispunjeni uslovi za nastavak vođenja postupka, jer shodno odredbama Zakona o eksproprijaciji, odredba člana 24., uz prijedlog za eksproprijaciju mora se podnijeti dokaz da su osigurana potrebna sredstva i ista položena kod banke u visini i približno potrebnoj za davanje naknada za nekretnine predložene za eksproprijaciju i troškove postupka eksproprijacije.

Služba za imovinsko pravne poslove,
geodetske poslove i katastar